



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Ioannis Ioviani Pontani amorum libri II.**

**Pontano, Giovanni Gioviano**

**Venetiis, 1518**

Tumulus Ptolemæi gallinæ.

**urn:nbn:de:hbz:466:1-13534**

TVMVDORVM

Tu terram coluisti & terræ munera sollers.  
 Culta tibi & tellus, culta q; debet humus.  
 Culta tibi & citius debet Roberte colenti  
 Et debet uitis, debet & una tibi.  
 Et uitis det grata tibi, det & una liquorem  
 Optatum, largo diffluat urna mero.

LAURINAE PVELLAE IPSA

è tumulo loquitur. Viator respondet.

Hæc Laurus mihi dat titulos, famamq; sepultæ,  
 Quæ quondam uiuæ nomina clara dedit.  
 Sub lauru Laurina tegor, mea uestit & ossa  
 Laurus, & ipsa meo uestitur è cinere.  
 Per me igitur uiuit Laurus, Laurinaq; uiuo  
 In lauru, & uitæ nutua cura sumus.  
 Ipsa eadem lauro materq; & filia. Laurus  
 Ipsa mihi est titulus, ipsa quoq; est tumulus.  
 Viuite frondenti pariter sub cortice iunctæ. VI.  
 Ipsaq; sis Lauro filia, sisq; parens.

PTOLEMAEI GALLINAE CA-  
 tinensis Astrologi.

Digne senex coelo, coelum Ptolemæe petisti.  
 Pro Catina coelum patria facta tua est.  
 Quasq; olim stellas numeris, quæ sydera cursu,  
 Nunc metire oculis, fataq; certa tenes,  
 Et tibi quæ series rerum, lexq; ipsa futuri  
 Nota patet, summis perfruerisq; bonis.

A' puero mihi culte senex Gallina ualeto  
Perpetuum, & Catinae uiue perennis honos.

## LAVRENTII MINIATI

Astrologi.

Quid numeras Miniate? nihil numerare necesse est,  
Sydera sub pedibus qui modo cuncta uides,  
Cuncta suos agere anfractus, seq; ordine summo  
Cogere, & errores rite subire suos.

Ne numeras Miniate. quies tibi parta. quiete

Uttere, & humanis exue te studiis.

Ipsa quies deus est. deus est & uita bonumq;

Vita bonumq; simul. utere utroq; simul.

Exutusq; hominum curis, rebusq; molestis

Laurenti aeterno rite fruare bono.

Nos memores ueteris studij, socij; laboris

Hac tibi pro sanctae munere amicitiae.

## FUSCAE MATRONAE.

Centum Fusca procos habuit, nec casta cubile

Polluit, aut sancti iura uerenda tori.

Centum Fusca procos risit, coluitq; maritum.

O' raram in longa posteritate fidem.

Hoc uirtutis opus dura inter & aspera sese

Erigere, & fortis exeruisse manus.

Vixit Fusca igitur celebris post fata, fidemq;

Testantur nullo marmora uicta situ.